



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **30/80-173-9/26**

Sarajevo, 26.02.2026. godine

Int. br. nabavke: **30-178-2/26**

Na osnovu člana 69. stav (3) i člana 70. stavovi (1),(4) i (6) Zakona o javnim nabavkama BiH (Službeni glasnik BiH: 39/14, 59/22 i 50/24) i člana 47. Statuta Agencije za vodno područje rijeke Save, Sarajevo, donosim

ODLUKU

o poništenju postupka javne nabavke radova: "Uređenje lijeve obale rijeke Bosne i kolektora otpadnih voda na dijelu poteza Betonski most-Petlja od profila PP 52 km 1+530.00 do profila PP 46 km 1+350.00, Grad Visoko (Zajednička nabavka sa Gradom Visoko)",

Otvoreni postupak
Obavještenje o nabavci br .: 1132-1-3-6-3-31/26

Član 1.

Otkazuje se postupak javne nabavke radova: **"Uređenje lijeve obale rijeke Bosne i kolektora otpadnih voda na dijelu poteza Betonski most-Petlja od profila PP 52 km 1+530.00 do profila PP 46 km 1+350.00, Grad Visoko (Zajednička nabavka sa Gradom Visoko)",** zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Član 4.

Ova odluka stupa na snagu danom donošenja.

Obrazloženje

Ugovorni organ je, u toku provođenja predmetnog postupka javne nabavke, izvršio cjelovitu analizu dokumentacije i okolnosti vezanih za predmetni postupak, imajući u vidu načela zakonitosti, transparentnosti i efikasnog korištenja javnih sredstava.

Na osnovu zaprimljenih pitanja za pojašnjenje i izvršenog dodatnog pregleda Tehničke specifikacije (predmjera radova), Sektor za realizaciju projekata je utvrdio da je, na osnovu pristiglih pitanja, neophodno izvršiti izmjenu predmjera radova. Također je konstatovano određeno neslaganje između stanja prikazanog u predmjeru i stvarnog stanja na terenu.

Nakon navedene analize, a uvažavajući informacije dobijene tokom faze pojašnjenja tenderske dokumentacije i obilaska terena utvrđeno je da su okolnosti na terenu i objektivni tehnički parametri u znatnoj mjeri odstupili od stanja koje je bilo relevantno u vrijeme pripreme i pokretanja postupka. Navedena odstupanja direktno su uticala na to da procijenjena vrijednost nabavke postane neadekvatna i znatno viša od realne tržišne vrijednosti.

Ugovorni organ je, u toku provođenja predmetnog postupka javne nabavke, izvršio cjelovitu analizu dokumentacije i okolnosti vezanih za predmetni postupak, imajući u vidu načela zakonitosti, transparentnosti, jednakog tretmana ponuđača i efikasnog korištenja javnih sredstava. Na osnovu navedene analize, ugovorni organ je utvrdio da je, u skladu sa članom 69. stav (3) Zakona o javnim nabavkama, potrebno otkazati postupak javne nabavke, s obzirom na to da su se pojavili dokazivi razlozi koji su izvan kontrole ugovornog organa i koji se nisu mogli predvidjeti u vrijeme pokretanja postupka. Zadržavanje trenutnih specifikacija i procijenjene vrijednosti dovelo bi do nesvrhsishodnog utroška javnih sredstava i narušavanja principa najbolje vrijednosti za novac.

Uzimajući u obzir obavezu ugovornog organa da osigura provođenje postupaka javnih nabavki u potpunoj saglasnosti sa važećim propisima, te da zaštititi javni interes i sredstva, odlučeno je da se predmetni postupak poništi/otkaže.

Postupajući na ovaj način, ugovorni organ je osigurao poštivanje odredbi Zakona o javnim nabavkama, kao i osnovnih principa javnih nabavki.

Ugovorni organ će izvršiti hitnu reviziju tehničke specifikacije i uskladiti procijenjenu vrijednost sa stvarnim stanjem, nakon čega će se pristupiti pokretanju novog postupka.

Na osnovu navedenog, a zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 11.250,00 KM (član 108. stav (1) tačka f) Zakona o javnim nabavkama BiH).

- Akt izradio: _____

- Akt kontrolisao: _____

Dostaviti:

- ☒ Sektor za pravne poslove
- ☐ Sektor za realizaciju projekata
- ☐ a/a



DIREKTOR


dr. sc. Senad Memić